

Et leto queste lettere, in collegio fo terminato expedirlo subito, con replicar le lettere fo preso di scriverli per pregadi etc. E cussì la sera ditto messo fo expedito.

67 *Di Charavazo, vidi lettere di 27.* Chome la domenega di apostoli Trevi si rese a' francesi, et quelli dentro fe' vista di trar 3 colpi di spingarda; e intrati francesi dentro, tajono a pezi 50 fanti brixigelli. Missier Giacomo Secho andò fuora con le zente di Charavazo e missier Francho dal Borgo, ma non si volseno affrontar con francesi, per esser porchi li nostri; e poi disnar zonse missier Thadio da la Motella con le so zente. E la note i se parti tutti, et il podestà, sier Bernardim da cha' Tajapiera, mandò via la sua roba in quella notte. E la terra, visto questo, si messe in gran paura; et poi il luni vene soccorso in Charavazo di 600 fanti con missier Franco. Fo gran contrasto in la terra, i homeni non volea intrasse, non sa la causa; e *tamen* veneno dentro di la porta de ....., dove lui che scrive, nominato Gotardo, era contestabele, al despeto di quelli di la terra. E quando i fo dentro, tutti messe zoso le arme, e poi averzete li cavali per una altra porta, perchè per quella non potea venir cavali. I soldati volea tajar a pezi quelli homeni fo causa di questo reitor. E la sera a hore do il campo francese vene intorno la terra, pareva gran numero, e con gran strepito, erano da zerecha 7000 persone, e andò X cavali al bastion, eridando: Franza! Franza! E quelli dentro: Marco! Marco! E treteno nostri artelarie versso li ditti, li qualli si messeno in fuga, tanto che i lassò da drio arme, veste, cavali e li albori pieni di code di cavali, che erano ligati, da tanta furia haveano. *Item*, che Zuan Antonio dal Guasto, traditor, è in campo francese con altri di Charavazo. Et li fanti erano in Charavazo poi partite e andò in campo; e hanno fato di quelli di Charavazo, tra l'horò, 30 contestabeli, a tanti homeni di la terra et altri per uno, a guardar la terra, e capetanio di tutti missier Stefano Secho. *Item*, Zuan Matio, Marco Planto e Gasparo Cataron e Antonio dal Guasto è in campo di francesi, *tamen* Zuan Antonio è vegnù di qua. Et è lettera drizata a sier Antonio Sanudo, fo podestà a Charavazo.

1509

68 *A dì ... april.*

*Ordine per lo levar del campo da Ponte Vico.*

Tutti gli stratioti.

Li corvati.

Li galuppi de lo illustre capetanio.

Li galuppi et stratioti de lo illustre governatore.  
Li ballestrieri di lo illustre capetanio.  
Li ballestrieri di lo illustre governatore.  
Li ballestrieri de Franco dal Borgo.  
Li ballestrieri del signor Ranier.

*Colonelo de lo illustre capetanio de sue gente d' arme.*

|                                             |     |       |
|---------------------------------------------|-----|-------|
| Lo illustre capitanio, homeni d' arme . . . | 300 | } 450 |
| Conte Johanne Francesco da Gambara . . .    | 75  |       |
| Missier Thadio da la Motella . . .          | 75  |       |

*Colonello de fanti.*

|                                                 |       |        |
|-------------------------------------------------|-------|--------|
| Missier Dionisio con tutti li brisighelli . . . | 3,000 | } 4600 |
| Greco Justiniano . . .                          | 500   |        |
| Galetto da Forli . . .                          | 400   |        |
| Giovan Maria da Pistoja . . .                   | 400   |        |
| Gorlotto . . .                                  | 300   |        |

*Ballestrieri.*

|                                        |     |       |
|----------------------------------------|-----|-------|
| Bataglino . . .                        | 100 | } 200 |
| Missier Almerigo di San Severino . . . | 100 |       |

*Secunda bataglia.*

*Colonelo del conte Bernardino da Montone.*

|                                        |     |       |
|----------------------------------------|-----|-------|
| Conte Bernardino, homeni d' arme . . . | 250 | } 405 |
| Conte Alvixe Avogadro . . .            | 75  |       |
| Missier Martim da Lodi . . .           | 40  |       |
| Missier Giuliam da Codignola . . .     | 40  |       |

*Colonello de fanti.*

|                                 |       |         |
|---------------------------------|-------|---------|
| Latantio da Bergamo . . .       | 500   | } 2,000 |
| L' ordenanza da Bergamo . . .   | 1,500 |         |
| Cristophano da Calabria . . .   | 500   | } 1,300 |
| Morgante Pagano . . .           | 500   |         |
| Georgio Vida . . .              | 300   |         |
| Zuam Francesco d' Ascoli . . .  | 500   | } 1,700 |
| L' ordenanze del veronese . . . | 1,200 |         |

*Bataglia de balestrieri.*

|                           |     |       |
|---------------------------|-----|-------|
| Agnolo da Barignano . . . | 50  | } 200 |
| Piero Spolverino . . .    | 50  |       |
| Nicolò da Doara . . .     | 100 |       |